

西京雜記

西京雜記  
六卷

四部叢刊子部

上海涵芬樓借印江  
安傅氏雙鑑樓戚明  
嘉靖孔天胤刊本原  
書版匡高營造尺五  
寸六分寬四寸三分

刻西京雜記序

西京雜記以記漢故事名本叙謂是  
劉歆所編錄歆多聞博綜故所述經  
奇今關中固漢西京也鴻人達士慕  
漢之盛弔古登高往往歎陵谷之變  
遷傷文獻之闕絕或得斷碑殘礎片  
簡隻字云是漢者即欣睹健美如獲  
珙璧方且亟為表識恐復湮滅好古

之信也乃若此書所存言宮室苑囿  
輿服典章高文竒技瑰行偉才以及  
幽鄙而不涉淫恠爛然如藻之所掇  
觀實盛稱長安之舊制矣故未央昆  
明上林之記詳於郡史卿雲籙賦之  
心閱於本傳文本等八賦雅麗獨陳  
雨電對一篇天人茂著餘如此類徧  
難悉敷然以之考古豈不烟覽巨麗

紉緣其書罕傳故關中稱多古圖籍  
亦獨闕之余携有舊本在中笥中會  
左使百川張公下車宣條敦修古藝  
憲之事余因出其書商之遂命工鋟  
梓置省閣中以存舊而廣傳不知好  
古者視之果何如也嘉靖壬子夏四  
月上日河汾孔天胤識

西京雜記第一

丹陽葛洪 稚川集

漢高帝七年蕭相國營未央宮因龍首山製前殿建北闕未央宮周迴二十二里九十五步五尺街道周迴七十里臺殿四十三其三十二在外其十一在後宮池十三山六池一山一亦在後宮門闕凡九十五武帝作昆明池欲伐昆吾夷教習水戰因而於上游戲養魚與給諸陵廟祭祀餘付長安市賣之池周迴四十里

漢制宗廟八月飲酎用九醞太牢皇帝侍祠以正月旦作酒八月成名曰酎一曰九醞一名醇酎

京師大水祭山川以止雨丞相御史二千石禱祠如  
求雨灋

天子筆管以鎔寶爲跗毛皆以秋兔之毫官師路扈  
爲之以雜寶爲匣廁以玉璧翠羽皆直百金

漢制天子玉几冬則加綈錦其上謂之綈几以爲牙  
爲火籠籠上皆散華文後宮則五色綾文以酒爲書  
滴取其不冰以玉爲硯亦取其不冰夏設羽扇冬設  
繒扇公侯皆以竹木爲几冬則以細剡爲索以憑之  
不得加綈錦

武帝嘗西域獻吉氂裘入水不濡上嘗服此裘以聽  
朝



高帝戚夫人善鼓瑟擊筑帝常擁夫人倚瑟而絃歌  
畢每泣下流漣夫人善爲翹袖折腰之舞歌出塞入  
塞望歸之曲侍婦數百皆習之後宮齊首高唱聲入  
雲霄

戚姬以百鍊金爲彊環照見指骨上惡之以賜侍兒  
鳴玉耀光等各四枚

趙王如意年幼未能親外傳戚姬使舊趙王內傳趙  
媼傳之號其室曰養德宮後攻爲魚藻宮

惠帝嘗與趙王同寢處呂后欲殺之而未得後帝早  
獵王不能夙興呂后命力士於被中縊殺之及死呂  
后不之信以綠囊盛之載以小軒車入見乃厚賜力

士力士是東郭門外官奴帝後知腰斬之后不知也  
樂遊苑自生玫瑰樹樹下多苜蓿苜蓿一名懷風昔  
人或謂之炆風風在其間常蕭蕭然日照其花有炆  
禾故名苜蓿爲懷風茂陵人謂之連枝草

太液池邊皆是彫胡紫蘄綠節之類菰之有米者長  
安人謂爲彫胡葭蘆之未解葉者謂之紫蘄菰之有  
首者謂之綠節其間鳧雛鴈子布滿充積又多紫蘄  
綠蘄池邊多平沙沙上鵝鳩鷓鴣鳩鵲鴻鴟動輒成  
羣

終南山多離合草葉似江蘼而紅綠相雜莖皆紫色  
氣如蘿勒有樹直上百丈無枝上結藂條如車蓋葉

一青一赤望之班駁如錦繡長安謂之丹青樹亦云  
華蓋樹亦生熊耳山

漢帝相傳以秦王子嬰所奉白玉璽高祖斬白蛇劍  
劍上有七采珠九華玉以爲飾雜廁五色琉璃爲劍  
匣劍在室中光景猶照於外與挺劍不殊十二季一  
加磨瑩刃上常若霜雪開匣拔鞘輒有風氣光彩射  
人

漢綵女常以七月七日穿七孔鍼於開襟樓俱以習  
之

宣帝被收擊郡邸獄臂上猶帶史良娣合采婉轉絲  
繩擊身毒國寶鏡一枚大如八銖錢舊傳此鏡見妖

西京  
三  
魅得佩之者為天神所福故宣帝從危獲濟及卽大  
位每持此鏡感咽移辰常以琥珀笥盛之絨以戚里  
織成錦一曰斜文錦帝崩不知所在

霍光妻遺淳于衍蒲桃錦二十四匹散花綾二十五  
匹綾出鉅鹿陳寶光家寶光妻傳其灋霍顯召入其  
第使作之機用一百二十躡六十日成一匹匹直萬  
錢又與走珠一琲綠綾百端錢百萬黃金百兩為起  
第宅奴婢不可勝數衍猶怨曰吾為爾成何功而報  
我若是哉

濟陰王興居反始舉兵大風從東來直吹其旌旗飛  
上天入雲而墮城西井中馬比皆悲鳴不進左右李廓

等諫不聽後卒自殺

五鹿充宗受學於弘成子成子少嘗有人過已授以文石大如鷲卵成子吞之遂大明悟爲天下通儒成子後病吐出此石以授充宗充宗又爲碩學也

始元元本黃鵠下太液池上爲歌曰黃鵠飛兮下建章羽肅肅兮行蹒蹒金爲衣兮菊爲裳唼喋荷苻出入蒹葭自顧菲薄愧爾嘉祥

漢帝送死皆珠襦玉匣匣形如鎧甲連以金縷武帝匣上皆鏤爲蛟龍鸞鳳龜麟之鳥世謂爲蛟龍玉匣成帝設雲帳雲幄雲幕於甘泉紫殿世謂三雲殿漢掖庭有月影臺雲元殿九率殿鳴鸞殿開襟閣臨池

觀不在簿籍皆繁華窈窕之所棲宿焉

趙飛鸞女弟居昭陽殿中庭彤朱而殿上丹漆砌皆  
銅杏黃金塗白玉階壁帶往往爲黃金釭合藍田璧  
明珠翠羽飾之上設九金龍皆銜九子金鈴五色流  
蘇帶以綠文紫綬金銀花鑷每好風日幡旒光影照  
耀一殿鈴鑷之聲驚動左右中設木畫屏風文如蜘蛛  
絲縷玉几玉牀白烏牙簾綠熊席席毛長二尺餘  
人眠而擁毛自蔽望之不能見坐則沒膝其中雜熏  
諸香一坐此席餘香百日不歇有四玉鎮皆達照無  
瑕缺窻扉多是綠琉璃亦皆達照毛髮不得藏焉椽  
桷皆刻作龍蛇縈繞其間鱗甲分明見者莫不兢慄

匠人丁緩李菊巧爲天下第一締構旣成向其姊子樊延奉說之而外人稀知莫能傳者

積草池中有珊瑚樹高一丈二尺一本三柯上有四百六十二條是南越王趙他所獻號爲烽火樹至夜光景常欲燃

昆明池刻玉石爲魚每至雷雨魚常鳴吼鬣尾皆動漢世祭之以祈雨往往有驗

初修上林苑羣臣遠方各獻名果異樹亦有製爲美名以標奇麗○梨十紫梨青梨實大芳梨實小大谷梨細

葉梨縹葉梨金葉梨出琅琊王野家瀚海梨出瀚海

不枯東王梨出海紫條梨○棗七弱枝棗玉門棗棠棗

青華棗栲棗赤心棗西王棗出崑崙山○栗四侯栗榛栗

瑰栗嶧陽栗嶧陽都尉曹龍所獻大如拳○桃十秦桃桴桃細核

桃金城桃綺葉桃紫文桃霜桃霜下可食胡桃域出西櫻桃

含桃○李十五紫李綠李朱李黃李青綺李青房李

同心李車下李含枝李金枝李顏淵李出魯羌李燕李

蠻李侯李○柰三白柰紫柰花紫色綠柰花綠色○杏三

蠻查羌查猴查○榭三青榭赤葉榭烏榭○棠四赤

棠白棠青棠沙棠○梅七朱梅紫葉梅紫萼梅同心

梅麗枝梅燕梅猴梅○杏二文杏材有蓬萊杏都隲

干吉所獻一株花雜五色六出云是仙人所食○桐三椅桐梧桐荆桐●林

擒十株○枇杷十株○橙十株○安石榴○棊十株



白銀樹十株○黃銀樹十株○槐六百四十○千季  
長生樹十株○萬本長生樹十株○扶老木十株○  
守宮槐十株○金明樹二十株○搖風樹十株○鳴  
風樹十株○琉璃樹七株○池離樹十株○離婁樹  
十株○白俞榴杜榴桂蜀漆樹十株○柎四株○椈  
七株○栝十株○楔四株○楓四株

余就上林令虞淵得朝臣所上草木名二千餘種隣  
人石瓊就余求借一皆遺棄今以所記憶列於篇右  
長安巧工丁緩者爲常滿燈七龍五鳳雜以芙蓉蓮  
藕之奇又作卧褥香鑪一名被中香鑪本出房風其  
瀟後絕至緩始更爲之爲機環轉運四周而鑪體常